

77- Shighah (fi'il) mudhāri' selepas lafaz كان memberi erti banyak kali berlaku dan ia sentiasa berlaku pada masa yang lalu.	صِيغَةُ الْمُضَارِعِ بَعْدَ لَفْظَةِ "كَانَ" تَدُلُّ عَلَى كَثْرَةِ التَّكَرُّارِ وَالْمُدَاوِمَةِ عَلَى ذَلِكَ الْفِعْلِ.	قاعدة ٧٧
--	--	----------

Keterangan:

Fi'il mudhāri' yang tersebut sebelumnya lafaz كان dan segala pecahannya, sesuai dengan shighah mudhāri' yang digunakan dipanggil juga sebagai mādhi istimrāri. Mādhi istimrari adalah fi'il yang menunjukkan sesuatu perbuatan (yang terkandung dalam perkataan mudhāri'nya) selalu berlaku atau dilakukan pada masa lalu.

Di bawah ini adalah beberapa contohnya daripada al-Qur'an:

(1)

وَكَانَ يَأْمُرُ أَهْلَهُ بِالصَّلَاةِ وَالزَّكَاةِ وَكَانَ عِنْدَ رَبِّهِ مَرْضِيًّا ﴿٥٥﴾

Bermaksud: Dan dia (Nabi Isma'il a.s.) selalu menyuruh keluarganya mengerjakan sembahyang dan memberi zakat, dan dia pula adalah seorang yang diredhai di sisi Tuhannya! (Maryam:55).

(2)

فَاسْتَجَبْنَا لَهُ وَوَهَبْنَا لَهُ يَحْيَىٰ وَأَصْلَحْنَاهُ إِنَّهُمْ كَانُوا يُسْرِعُونَ فِي الْخَيْرَاتِ وَيَدْعُونَنَا رَغَبًا وَرَهَبًا وَكَانُوا لَنَا خَدِيعِينَ ﴿٩٠﴾

Bermaksud: Maka Kami perkenankan doanya, dan Kami kurniakan kepadanya (anaknya) Yahya, dan Kami perelokkan keadaan isterinya (yang mandul untuk melahirkan anak) baginya. (Kami limpahkan berbagai ihsan kepada Rasul-rasul itu ialah kerana) Sesungguhnya mereka sentiasa berlumba-lumba dalam mengerjakan kebaikan, dan sentiasa berdoa kepada kami dengan penuh harapan serta gerun takut; dan mereka pula sentiasa khusyu' (dan taat) kepada Kami. (al-Anbiyā':90).

(3)

قَالَتْ رُسُلُهُمْ أَفِي اللَّهِ شَكٌّ فَاطِرِ السَّمَوَاتِ وَالْأَرْضِ يَدْعُوكُمْ لِيَغْفِرَ لَكُمْ مِّنْ ذُنُوبِكُمْ وَيُخْرِجَكُمْ إِلَىٰ أَجَلٍ مُّسَمًّى قَالُوا إِنَّ أُنثَىٰ بُشِّرْنَا بِئْسَ الْبَشِيرُ ﴿٩١﴾
ثُرِيدُونَ أَن تَصُدُّونَا عَمَّا كَانَ يَعْبُدُ آبَاؤُنَا فَأَثَبُوا بِسُلْطَانٍ مُّبِينٍ ﴿٩٢﴾

Bermaksud: Rasul-rasul mereka bertanya: "Patutkah berlakunya sebarang keraguan tentang wujudnya Allah, yang menciptakan langit dan bumi? Dia menyeru kamu beriman kerana hendak

membersih dan melepaskan kamu dari dosa-dosa kamu, dan memberi tempoh kepada kamu hingga ke suatu masa yang tertentu. Mereka menjawab: “Kamu tidak lain hanyalah manusia seperti kami juga. Kamu bertujuan hendak menyekat kami daripada menyembah apa yang selalu disembah oleh datuk nenek kami. Oleh itu, bawalah kepada kami bukti yang jelas nyata”. (Ibrahim:10).